



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Prosa Exegesis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

*Sestias ignes! Quis labyrinthos
Inter cōndas mihi Dædalaes
Humeris pennas aptet! Et ô quis
Ariadneo perplexa notet
Compita filo! vel quis potius
Fauor æthereus, qui Niliacis
Quondam Isacidas profugos regnis
Rutilæ duxit lampade nubis,
Simili cursum splendore regat!
Si tēsqua facem deserta petunt,
Heu quò tendet per tot cōvitæ
Salebras nullo mens cœca duce?*

PROSA EXEGESIS.

Si quis deliciarum ac ebrietatis incommoda secum
accuratè perpenderit, nihil mirabitur, Ecclesiasten,
virtutis ac sapientiæ cupidum, hæc turpitudinis castra
deseruisse. Viderat enim, in regno voluptatis nullum
esse virtuti locum; contrà verò, ebrietatem indomitis
cupiditatibus vitiisque omnibus fræna relaxare. Semel
enim pessumdatâ, quæ inordinatis cupiditatibus ob-
stabat, verecundiâ, in lucem, quidquid mali latebat,
emergit. Itaque libidinosus, inquit Seneca, ne cubicu-
lum quidem expectat, sed cupiditatibus suis, quantum
petierint, sine dilatione permittit: tunc impudicus
morbum profitetur ac publicat, tunc petulans non
linguam, non manum continet. Crescit insolenti su-
perbia, crudelitas sæuo, malignitas liuido. Adiice il-
lam ignorantem sui, dubia & parum explanata ver-
ba, incertos oculos, gradum errantem, vertiginem ca-
pitis, tecta ipsa mobilia, velut turbine aliquo circum-
agente totam domum: stomachi tormenta, dum effer-
ueſcit

*Ebrietas
omnia vi-
tia prodit.*

*Seneca
Epist. 83.*

uescit merum, ac viscera ipsa distendit. Omitto cetera,
quæ recensere longum esset.

Vnum persequor quod ad rem præsentem facit, Ebrietas
inimica sive
ebrie-pientia.
nihil tam inimicum esse sapientiæ studio, quæm ebrie-
tatem. Quid enim sapientiæ tam contrarium est, quæm
dementia? Quis autem ignorat, nihil aliud esse ebrie-
tatem, quæm dementiam voluntariam; nec aliter à
phrenesi, quæm temporis breuitate, distingui? Certè
ut quæm mitissimè cum Plutarcho sentiamus, infanæ Plutarchus
lib. de Gar-
rulit.
contubernalis est ebrietas. Vbi enim regnat ebrietas,
ait Petrus Rauennas, exulat ratio, intellectus obtundi-
tur, consilia deviant, iudicia subvertuntur, atque adeò,
vigore mentis oppresso, totus homo alieni iuris effici-
tur. Quare repudiandum est illud, quod apud Macro-
bium legimus, velut solis Saturnalibus dignum, Fomi- Macrobius
lib. 2. Sa-
turnal. c. 8
tem quendam atque ignitabulum ingenij virtutisque
esse, si mens & corpus hominis vino flagret.

Non ignoro, ex iis, qui studia vtcumque coluerunt, Poëta non
nulli &
Philosophi
vino dedici.
non paucos immodico vino deditos fuisse: nam, vt su-
præ dixi, disputatur inter Philologos, ebriosior Ana-
creon an libidinosior fuerit. Et

*Ennius ipse pater numquam nisi potus ad arma
Profilij dicenda.*

& Cratinus cùm ebrius Comœdias scriberet, vinum
Poëtis vice generosi equi dicebat esse. Denique ipse
Philosophiæ parens Socrates, si quando ad bibendum
in conuiuiis adigeretur, omnes exhauriendis calicibus
vincebat. Scio etiam, inter Stoicorum paradoxa illud Lipstus
Manu-
duct. lib. 3.
cap. 18.
numerari, sapientem numquam esse ebrium, quan-
tumcumque se vino ingurgitet. Sed non obscurè profi-
teor, nihil mihi negotij esse cum istiusmodi insanien-
tis sapientiæ consultis, quos non vnum vitæ probrum

K 2 apud

Horatius
l. 1. Epist.
ad Mecca-
natem.

apud posteros notauit. De veræ sapientiae studio (quam nunc Philosophiam Christianam nominamus) omnis mihi dissertatio est.

Ad hanc postliminio adspirans Ecclesiastes, *Cogit. ui. inquit, abstrahere à vino carnem meam, ut animum transferrem ad sapientiam, deuitaremque stultitiam.* sapienter non vii tantum sibi, sed omnibus præcipiens, iis qui solidæ virtutis veræque sapientiae studio accenduntur, non tantum vinum atque ebrietatem, sed quidquid ad delicias ac voluptates pertinet, penitus esse repudiandum.

*Sapienti
fomenta
voluptatū
vitanda.*

Seneca E-
pist. 51.

Itaque de recessu in primis cogitans, ait Seneca, non Canopum eligit sapiens (quamvis neminem Canopus vetet esse frugi) sed ne Baias quidem, quia diuersorum vitiorum esse cœperunt. Non corpori tantum, sed moribus etiam salubrem locum eligere debemus. Quid, quod Plato, vt moribus salubrem eligeret, corporibus elegit insalubrem, dum in horrido atque obscuro Academi luco Academiam instituit, vt locus ipse non minimam Philosophiae partem, mortis dico meditationem, ante oculos constitueret? Nec dubium est, quin idem propositum fuerit D. Bernardo, dum pleraque cœnobiorum suorum in locis palustribus fundauit. Idem etiam B. Brunoni, qui ad iacienda cœlestis huius Philosophiae fundamenta, horridam & incultam Carthusiae solitudinem Gratianopolitano Episcopo diuinitus ostensam delegit. Quid enim necesse est Baiis, exempli gratiâ, ebrios videre per littora discursantes, & comedentes nauigantium, & symphoniarum cantibus perstrepentes lacus, & alia, quæ velut soluta legibus luxuria non tantum peccat, sed publicat? Id agere debemus, vt irritamenta voluptatum quam longissimè fugiamus. Vna Hannibalem hiberna soluerunt:

*Laertius in
Platone.*

*Surius in
Vita Bru-
nonis.*

Seneca
ibidem.

runt : & indomitum illum niibus atque Alpibus vi-
rum eneruarunt fomenta Campaniæ. Armis vicit, vi-
tiis vicitus est.

Nobis quoque militandum est ; & quidem genere Miles Chri-
militiæ, quo numquam quies aut otium datur. Debel-stianus vo-
landæ sunt voluptates, quæ in sœua quoque ingenia ty-luptatem
rannidem exercuerunt. Si quis sibi proposuerit, quām
dura sit virtutis palestra, sciet nihil delicate, nihil mol-
liter faciendum. Quorū enim militi fomenta volu-
ptatum ? Corpus astuetum tunicæ , loricæ onus non Hieron. ad
sustinet: caput opertum linteo, galeam recusat : mol-Heliodo-
lem otio manum durus exasperabit capulus : nimia
amoenitas animos effeminat; fortior miles ex confra-
goso venit. Hoc sibi propositum habuit nobile illud
Christianæ Philosophiæ exemplar Hieronymus , qui
veræ sapientiæ cupidus, in vastam solitudinem secessit,
omnesque à se voluptatum illecebras abdicavit : ac ne
sic quidem satis vitiorum pericula declinavit. Non me
pigebit eius verba , tametsi prolixiora , subnectere. O
quoties , inquit , in eremo constitutus , & in illâ vastâ Idem ad
eremi solitudine , quæ exusta Solis ardoribus , horri-Eustochiū.
dum Monachis præbet habitaculum, putabam me Ro-
manis interesse deliciis ? Sedebam solus, quia amaritu-
dine repletus eram. Horrebant sacco membra defor-
mia, & squallida cutis situm Æthiopicæ carnis obdu-
xerat. Quotidie lacrymæ, quotidie gemitus: & si quan-
do repugnantem somnus imminens oppressisset , nudâ
humo vix hærentia membra collidebam. Ille igitur
ego scorpionum tantum socius & ferarum, sæpè cho-
ris intereram puellarum . Pallebant ora iciuniis , &
mens desideriis æstuabat. In frigido corpore , & ante
hominem suum iam carne præmortuâ, sola libidinum

K 3 incen-

incendia bulliebant. Itaque omni auxilio destitutus, ad Iesv iacebam pedes, rigabam lacrymis, crine tergebam, & repugnanteim carnem hebdomadarum inediâ subiugabam. Meimi me clamantem diem crebrò iunxit cum nocte; nec priùs à pectoris cessasse verberibus, quām rediret, Domino imperante, tranquillitas. Si tantam passus est luctam horridus ille solitudinis incola, qui omnia vitiorum fomenta procul habebat; nōnne meritò Ecclesiastes animum à vino ceterisque deliciis existimauit abducendum, vt sapientiæ studio vacare posset?

Neque otiosè subiungit (vt illud etiam ad extremum breuiter attingam) donec viderem quid vtile esset filiis hominum, quo factò opus est sub Sole numero dierum vitæ sue. Quibus verbis non obscurè declarat, seriam de ratione vitæ ineundâ consultationem animum requirere ab omni temulentâ quām alienissimum.

Scio quidem apud Persas in more positum fuisse, inter pocula de rebus maximi momenti consultare: sed fuerit hoc illis ignoscendum, apud quos seuerissimis legibus in ebrietatem animaduertebatur, ac proinde satis cautum erat, ne quis à ratione exorbitaret. Sanè ad consilia de rebus magni momenti capienda ineptam esse temulentiam, prudenter ostendit olim Latychides; qui interrogatus, cur Spartiatæ tam parcè vino vterentur; respondit: Ne pro nobis alij consultent, sed nos potius pro aliis. Si inidonea est ebrietas ad consilia de Republicâ capienda; quis ei de vita instituendæ rationibus arbitria permittet, à quibus æternæ beatitatis summa dependet? Enim uero cùm omnes in hoc turbulento rerum humanarum freto portum aliquem salutis respiciant; ineptus sanè gubernator esset, qui vino

Ebrietas
inidonea
consilio ca-
piendo.

Maximus
Tyrillus
fert. 12.

Plutarchus
in Apo-
phtheg.

vino crebriùs quàm fluctibus obrutus (vt alibi Sapiens Prouer. 23.
noster) in hoc tanto discriminè ad clauum federet. Opportunè hoc animaduertit Clemens Alexandrinus, qui Clemens
Alexand.
lib. 2. Pæ-
dag. vini temulentiam Oceani furiis comparauit. Corpus enim instar nauis demersum, ac decumanis vini fluctibus obrutum, turpitudinis ac dedecoris profundum subit. Gubernator autem mens videlicet humana, dum turgido ebrietatis fluctu circumagit, tamdiu in cæcis illis nubibus ac procellis caligat, & à portu veritatis aberrat, donec in saxa voluptatis subtus latentia impingens, salutis ac famæ naufragio fatiscat.

Et nos igitur his animaduersis, Ecclesiasten intuemur à vino iam abhorrentem, variaque vitæ genera maturâ consultatione expondentem; omnibusque vanitatis aut stultitiaz damnatis, extremo tandem libro concludentem, nihil homini in hac vitâ mortali esse conducibile, nisi vt Deum timeat, & mandata eius obseruet. Agedum igitur vestigiis eius, à Regiâ fortunâ & magnificentiâ exordium sumentis, insistamus.

SECTIO TERTIA.

ECCLESIASTES.

- VERS. 4. Magnificaui opera mea, ædificaui mihi domos, & plantaui vineas,
- 5. feci hortos, & pomaria, & conseui ea cuncti generis arboribus,
- 6. & extruxi mihi piscinas aquarum, vt irrigarem siluam lignorum germinantium,
- 7. possedi seruos & ancillas, multamque familiam